


涇野先生文集

卷之一



涇野先生集序



道至孔子而極善言道者宜
莫如孔子然孔子之言載於
論語詳矣舉未有出乎日用
常行之外而後世儒者則往
徃高深其說至窈微恍惚不

可得而窮此其故何也道必有實得然後有實見有實見然後能言之不失其真夫道不遠人者也孔子得其不遠人者而見夫遠之之非道也故自不容遠人以言道後世

儒者慕道之名而不得其實徒以億見揣摩議擬乎其間譬諸窶人之談珠玉以為不極恠竒不足明珠玉之為寶於是乎侈為之說不知說益侈而其失真乃益以甚然則

言道而遠人皆未能實得者
之蔽歟洪惟我

朝建學造士一教之誦法孔子
至於近時士尤喜言道意將
發孔子之精蘊而羽翼其傳
其趨可謂正矣然既久而各

務以說相勝則漸以入於窈
微恍惚而道亦漸失其真獨
涇野呂先生不然先生自少
至於卒無日不以學道為心
其歷官中外所至無不以聚
徒講學為事然先生之言平

易簡質要在反身克己於其
日用常行者實致力焉其他
未嘗及也先生博覽強記自
六籍以逮莊列百家之書問
之無不響應肆其才力即窮
高極淵為驚世之語詭名之

曰道宜無不可能垂之後來
宜亦足以有述而顧舍而不
為嗚呼其於孔子信之篤矣
論者或言先生資稟朴茂故
其文不喜為奇恠不欲自立
於峻故恂恂然與人語而不

涇野先生集 序
四
倦是豈真知先生者哉予往年與先生同在翰林嘗有志於共學未幾予以請告去先生亦出判解州嗣是蹤跡差池者十餘年比予再入朝則先生已致仕俄而訃至矣共

學之志卒莫副之然予每讀當世士大夫所為文章反之於心證之於論語睹流俗而思大雅意未嘗不在涇水也今年秋先生高第弟子侍御徐君思行吳君公路吳君惟

錫相與集先生之文校而梓
焉拔趙幟而赤之三君之心
所以為來學甚厚予故推本
孔子之言道者序諸首簡使
知先生之文果可以誦而傳
如此先生諱柟字仲木高陵

人官至南京禮部侍郎集凡
若干卷

嘉靖乙卯季春望日

賜進士及第光祿大夫柱國少
保兼太子太傅禮部尚書武
英殿大學士知

涇野先生集
序
制誥華亭徐階序

涇野先生文集序

涇野文集者何

皇明禮部侍郎呂子所著集也

呂子諱栴初字大棟漢陂王

子敬夫謂理更字之曰仲木

號曰涇野西安高陵人也弘

治辛酉子在辟雍與理及秦
西澗世觀寇涂水子惇均携
妻子同邸居者數年内外旦
夕以脩齊之道相切磨相觀
法也嘗有約言曰文必載道
行必顧言母徒舉業以要利

祿母徒任重弗克有終于時
異居而志同者有張西渠仲
脩崔文敏仲鳧馬柳泉敬臣
皆簪聚規過輔仁肄禮講學
時涇野已卓然自立而弗惑
矣後由是殿試賜狀元及第

為翰林脩撰而居之燕然由
是進諫降謫解州判官而居
之燕然由是歷官吏部考功
尚寶司卿國子監祭酒禮部
侍郎而居之燕然蓋居職尚
能而道前定焉應斯不窮居

位尚賢而道前定焉應斯不
窮是故境有順逆位有大小
素位以行無入而不自得爾
矣是故自太學卒業迄禮部
謝政恒有暇日是故啓沃之
外有以講說至者則應之有

以贈處至者則應之有以慶
賀吊輓至者則應之有以叙
述記誌表誄祠祭求者則應
之有以登臨賦詠偕者則應
之蓋仁義道德之言隨寓而
發猶源泉混混其出不竭猶

菽粟之可食布帛之可衣也
亦猶鍾鏞在懸扣殊小大鳴
亦如之足使醉者醒寐者覺
亦猶空谷之聲所感萬殊妙
應如之若有神焉而莫知所
存也故君子評其所撰謂自

孟子歿漢有經生史才賦客
晉人工書唐人賦詩宋多文
士然據其言行考所見聞多
未見道唯董仲舒為西京醇
儒然他儒亦多駁雜東漢之
末唯孔明卓然特立可以與

權管寧以潛龍為德確不可
拔兩晉人才有不為流俗所
染異端所惑安貧近道者唯
陶潛一人而已李唐人才杜
甫之詩韓愈之文最為近道
然甫有啜人殘盃冷炙之失

涇野先生文集
愈有相門上書之耻况闢佛
而復友其徒任道而牽情妓
妾杜韓如此自餘可知趙宋
文士蘇黃諸人皆宗尚釋教
呂文諸賢率聽法叅禪唯濂
溪周子學得其精康節邵子

學為甚大二程兄弟橫渠張
子學為至正晦菴朱子能繼
諸賢之緒自元以來及今見
道而能守者唯魯齋許氏及
我

皇明薛文清公數人而已涇野

子則為漢之文賦懷其史才
傳其經學而無駁雜戾道之
失工晉人之書唐人之詩宋
人以上之文而多純實之語
醇如魯齋而著述則多確如
文清而居業則廣蓋其學詣

周之精同邵之大得程張之
正與晦菴朱子匹美者也子
之逝也諸弟子錄其文成集
子仲子昀及長孫師臯藏之
家西安高陵嘗梓之然豕亥
之訛尚多於是門人侍御建

德五台徐君紳海寧初泉吳
君遵率武強學諭閩中王大
經藁城學諭莆田江從春校
正編次俾真定守成都于君
德昌重梓行集為卷凡三十
有六為編凡一十有六然尚

有遺逸外此有經說有語錄
有詩集有史約有四子抄釋
為卷冊頗多門人與槐謝君
少南有刊于西安者胡子大
器有刊于蕪湖者茲不與總
校斯集而終其事者則門人

涇野先生文集
侍御彭澤陶君欽臯吾廬子
相其成者則保定巡撫米脂
艾公希淳居麓子也

賜進士出身中大夫光祿卿嗟
峨商山書院院長三原馬理
撰

刻涇野先生文集序

先生以南京吏部侍郎於嘉
靖己亥致仕于京以嘉靖癸
卯卒於高陵先生既卒于是
先生門人侍御彭澤吾廬陶
君建德徐君寧海吳君相與

裒其文若干卷刻于真定刻
既成廼吾廬走使來樂安謁
予為序刻之之詳夫文者奚
從而生乎易曰黃裳元吉文
在中也文言曰君子黃中通
理正位居體美在其中暢于

四肢而發于事業美之至也
至美者既在其中故至文者
自達之外而孟子論氣有曰
以直養而無害則塞於天地
之間其稱大丈夫也亦曰富
貴不能淫貧賤不能移威武

不能屈趙岐釋之曰淫也者
亂其心也移也者易其行也
屈也者挫其志也夫心也行
也志也皆美之所在也能無
所淫無所移無所屈然後可
以謂之直養而無害矣先生

武皇初舉戊辰進士既魁多
士而官翰林時權官起于其
鄉脅上之寵播弄國柄生殺
予奪在指顧間置諸親已咸
在要地其忤之者禍亦旋至
先生于是皆不顧也既登第

引疾乞歸瑾敗用言官薦起
復為翰林終武皇年官無所
益嘉靖初以議禮與致政者
不合偶用言事謫解州判唐
寅春補南京宗人府經歷南
京吏部考功司郎中南尚寶

司鄉蓋自庚寅至於甲午先
生在南京已五六年矣五六
年間豈不三四轉乎然而皆
散地也乙未入于國子監祭
酒丁酉遷南京吏部侍郎己
亥捧表入賀

皇太子正東宮位天變自陳致
仕遂不起而卒于家觀先生
出處如是則于世故確乎無
所動于其中富貴焉得而淫
之乎貧賤焉得而移之乎威
武焉得而屈之乎然後隨其

所在發之為文是故所讀之
書所履之行所會之理所見
之事皆于文焉出之故世之
君子欲觀正德嘉靖間之人
物觀于是編足矣欲觀先生
之出處觀于是編足矣故三

君子者刻是編者所以存先生也存先生者以存道也

嘉靖乙卯春三月望

賜進士第太中大夫太僕寺卿
致仕門生樂安李舜臣拜書

凡例

一校讎

存稿若干卷舊刻在西安府字多訛謬今依府志校讎
逸缺者補之魯魚者正之

一編彙

集中文有大小繫簡今依原稿訂正先序文次記文次
書翰次誌碣次語傳次字說次奠章次題辭次跋次
策問又次行狀誄議銘箴卷自為類目各有條

一提撥

卷必有目目皆有紀凡集中遇

今上皇王廟號誥勅恩詔字樣俱首提其次惟空一字書之
一存削

原稿散出舊刻多訛今依校定凡文有關綱目不可遺
逸者俱存弗削其餘瑣尾不係切要者不在此刻志
於別稿以備采錄

一闕疑

刻本魯魚而義難強解善本謄訛而事無考訂者闕之
或因舊文集中稱人奏議事宜條陳繁碎者今只述
其大綱而不詳注

一纂刻

都察院照磨高陵呂昫藏籍

巡按直隸等處監察御史建德徐紳

海寧吳遵

彭澤陶欽臯編次

直隸真定府知府成都于德昌梓行

武強縣儒學教諭閩中王大經

藁城縣儒學教諭莆田江從春校正

凡例

涇野先生文集目錄

卷之一 序一

太學送張仲修序

侑觴之什序

又序

賀山陰先生壽序

古稀雙慶序

送楊河間序

贈玉曲沃序

壽楊自菴七十二序

具慶堂序

燕山野餞序

壽曹母太夫人八十序

送林侍御之南京序

送李時馨序

別寇子惇序

榮輓錄序

康長公世行敘述序

同年錄序

筠北三同序

送劉河間序

壽徐生父序

送董青州序

贈正齋蕭君序

贈鄒保定序

敘齒錄序

蟠苑圖詩序

贈龍臨川序

味松老人九十序

贈隴州陰陽典術閔允濟序

贈牛鉅野序

張詩望衡湘圖序

送馬固安序

送張廣平序

送駱南海序

送黃武進序

送呂章丘序

秋官劉溫瑞挽詩序

坦菴先生序

定州志序

西守留芳序

壽鳳山先生程公序

韓生祖父母八十壽序

遊許西集序

岷臺錄序

張氏族譜序

王氏三圖序

刊忠孝歌序

士林哀挽序

送揚夏縣序

送周醫序

贈青村王醫序

送洪雲南序上

送洪雲南序下

卷之二

序二

賀彭公平蜀序

涇野九詠序

送鳧塘劉雲南序

甲子舉人敘齒錄序

稼菴集後序

張氏族譜序

送藍公平漢中序

高氏族譜序

西征贈言序

東泉君挽詩序

宋君重慶詩序

贈張中書省親序

送洪雅訓術張漸遠序

送東平陽序

贈秦宣府序

南風之什序

壽孟靜樂公序

送王僉事序

送趙嵩盟序

送何仲昇序

送靜省先生序

郭氏榮壽序

張公榮壽之什序

壽呂太孺人六十序

壽雷先生序

賀臨汾雙壽序

送黃廣東序

送崔開州序

送趙晉州序

徐氏雙壽序

送王奉節序

送唐光祿序

賀彭公平賊序

送李嶧縣宗冉序

贈王扶風汝言序

純菴挽詩序

送提學祝惟貞陞廣東叅政序

慈壽堂序

賀李掌教受獎序

再賀李掌教序

平西應召序

觀風餘興序

南庄幽憇序

送南京左副都御史蕭公序

觀風復命序

贈楊貳守序

贈李鞏昌教授序

壽判簿崔先生序

鄉試錄前序

鄉試錄後序

陝西鄉試錄前序

陝西鄉試錄後序

已卯舉人敘齒錄後序

武功縣志序

燕饗食樂譜序

卷之三

序三

劔閣集序

大成樂舞圖譜序

漢紀校正序

金泉王先生八十壽序

白侯省耕詩序

贈涇陽掌教譚君陞永寧序

姜總兵哀忠詩序

壽萱圖序

壽翟母太夫人八十二序

耆德桑老先生八十五壽序

五子遊山集序

小學訓序

贈桑汝瀾歸濮陽序

送應天治中周君考績南還序

再賀李掌教序

平西應召序

觀風餘興序

南厓幽憇序

送南京左副都御史蕭公序

觀風復命序

贈楊貳守序

贈李鞏昌教授序

壽判簿崔先生序

鄉試錄前序

鄉試錄後序

陝西鄉試錄前序

陝西鄉試錄後序

已卯舉人敘齒錄後序

武功縣志序

燕鄉食樂譜序

卷之三

序三

劔閣集序

大成樂舞圖譜序

漢紀校正序

金泉王先生八十壽序

白侯省耕詩序

贈涇陽掌教譚君陞永寧序

姜總兵哀忠詩序

壽萱圖序

壽翟母太夫人八十二序

耆德桑老先生八十五壽序

五子遊山集序

小學訓序

贈桑汝澗婦濮陽序

送應天治中周君考績南還序

重刊釋名序

龍章寵樂序

卷之四

序四

易經大旨序

南庄李公七十壽序

程母八十封太安人序

解梁贈別詩序

庸齋雜錄序

挽南江子詩序

山西鄉試錄前序

鄉試錄後序

鄉約集成序

解州志序

初氏家乘序

義勇武安王集序

司馬文正公集略序

雙泉詩集序

稷山縣志序

靜學殿下孝感詩序

贈張伯含考績序

嘉靖乙酉舉人敘齒錄後序

太孺人唐母鄭氏七十壽序

橫渠張子抄釋序

周子演序

二程抄釋序

重刊四書集註序

重刊漢文選序

重刊唐文粹序

重刊宋文鑑序

內濱紀進冊子序

刻四書集註後序

刻漢文選後序

刻唐文粹後序

刻紀事本末後序

於河東書院別兩峯李子巡按四川詩序

涇野先生文集
目錄
谷泉詩卷序

王母萬氏八十壽序

海光樓別序

壽太原令姦君序

刻玉官谷集序

父子同觀詩序

贈山西左方伯南湖閔公陞太僕序

底柱秋餞谷泉序

刊文潞公集略序

謁傅巖祠詩有序

題夏大夫閔龍逢墓有序

古虞秋意詩序

漁石之篇序

底柱秋餞方山序

古虞話別序

斷金會序

陽武縣志序

積德之什序

西州別詩後序

全懃冊序

恩命錄序

正學書院志序

丹心常在圖序

河東書院贈別詩序

余子考績序

書敘指南後序

劉氏族譜序

送玉溪王公考績序

豎首陽山東向石刻序

蒲津話別序

門墻拜別詩序

別張師孔序

於蒲坂別良輔序

親藩大孝圖序

卷之五

序五

賀大司馬王公征虜奏績序

壽經府牛先生九十詩序 贈松石劉公陞南太僕序

賀南岡唐公陞方伯序

賀海山翟公陞陝西按察使序

送提學四川我齋蔡君序 送仇時閑北還序

送谿田西還小序

壽 誥封一品夫人王母趙內君六十序

送順齋林氏服歸省序 完名全節詩序

莫庭序 周氏族譜序

送周道通序 送林太平序

刻聖學格物通序 元城語錄解序

送何栢齋北上序 紫陽道脉錄序

平陽府志序 送檢菴馬君考績序

鄭母俞太安人七十壽序 北山書屋序

江西奏議序 送劉君少功考績序

送白樓吳公考績序 送劉潮州序

送汪都水序 送黼菴柴公北上序

南山類藁後序 種穀篇序

荆人父母篇序 送柴四川按察序

鄉語篇 送齊陝西按察序

送林大理石崖北上序 敬所詩序

張氏族譜序

東溪行樂壽圖序

送弘齋陸子伯載北上卷阿分韻詩序

送九峯山人鄒君還山序 送東畹田雲南序

送湛惟寅序 送駕部張君體敬省親序

送刑曹副郎王君惟賢北上序

卷之六 序六

壽東溪王君子儒序 秋江別意詩序

前溪楊隱君詩序 送葛平陽序

送周克道還潮陽序 前溪文集序

樓山肥遯詩序 玉溪詩集序

送王克孝還解州序 政齋文集序

別胡汝臣東行詩序 日講存稿序

送別程惟信詩序 壽黃母王夫人八十序

贈鄭唐南序 麻門鄭公挽詩序

送孟時齋序 送朱秋厓考績序

贈吳參議序 贈魏尋甸序

魏氏雙壽序 朱拙翁七十壽序

賀憚器之受旌序 寶制堂私錄序

木齋胡君雙壽序 杭澤西八十壽序

壽林母吳孺人七十序

少保工部尚書俞公七十五壽序

醉泉朱公七十壽序

簡軒文行集序

約齋序

貞順集序

江陰劉氏家乘序

壽余封君詩序

送倪宗玉知廣南序

送鄭成昭知臨江序

贈張公陞按察序

送張臨洮序

送大理少卿石厓林公北上序

刻雪洲詩集序

賀李君尚友陞車駕主政序

贈陝西提學僉憲鳳泉王子序

贈五山潘君考績序

贈玉溪石氏序

瑤池蟠苑圖詩序

卷之七

序七

別東郭子鄒氏序

贈乾菴李君序

旌節卷序

賀雷州知府易後齋序

贈陳順慶序

送趙溫州序

抑齋序

贈柯掌科考績序

贈侍御楊德周考績序

感恩畫思詩序

贈侍御田德溫考績序

贈劉體乾考績序

贈葉敬之考績序

贈邊華泉致政序

後溪西遊詩序

贈秋陂王僉憲序

贈司馬君守懷慶序

贈宋潞安府序

雙萱並茂詩序

贈陶杏垣還彭澤序

封君戴先生暨配杜宜人八十壽序

柳氏家譜序

贈張惟靜提學序

贈胡福州序

贈招蕪湖考績序

壽封君省菴丘公序

贈地曹黃日思考績序

壽王母俞氏八十序

贈汀州知府劉文翰序

南垣便養圖序

送韓汝器北上序

贈顧廣東序

贈張君之成都序

贈黃伯元考績序

贈蒲汀李公考績序

陸氏重壽序

贈顧願齋考績序

贈林瓊州序

贈少參棟塘陳君序

卷之八 序八

贈恒山張公北歸序

贈大司成方齋林公序

贈何嘉興序

送中丞海隅毛公致仕序

學獨樂園序

贈楊容堂致政序

壽山福海圖詩序

贈余行甫考績序

贈侍御方體道考績序

贈張存良考績序

贈鄧汝獻掌教政和序

贈俞舜牧考績序

贈大司寇貞菴周公考績序

太宜人王母侯氏八十壽序

南莊詩序

西山類稿序

贈石泉潘公考績序

玩月嘉會小序

田氏家乘序

容思先生年譜序

贈楊陝西僉憲序

贈許廷章北上便道省親序

蘊齋陳翁八十壽序

楊母尹氏六十壽序

章母朱氏七十壽序

北村劉先生集序

河東周先生新受誥封序

東山書院儀節序

贈石高州序

劉氏族譜序

紫巖文集序

小學章句序

卷之九

序九

送治齋萬公南歸序

海山詩集序

廣文選序

空同李子集序

贈朱葵軒應誥北上序

送胡南津還沐陽序

送程齋盛公還潮陽序

贈浚川王公詔政左都御史序

送四峯張貴州序

贈中梁張公考績序

贈賀子考績序

賀經府王君暨配劉氏七十雙壽序

同年雅會詩小序

贈葉東平序

賀倪氏重慶序

送黃日思養母致仕序

椿庭遺痛冊序

懶軒秦君六十壽序

贈夏仁甫還山序

劉忠愍公年譜序

贈余晦之應 詔北上序

贈馮臨安序

湯氏族譜序

蘭峯詩集序

送宜山陳公北上序

廬陵曾氏族譜序

太宜人樊母計氏壽序

紀德篇序

送玄菴穆公致政序

西園雜著序

定遠三應序

恩榮雙壽序

送少司空新山顧公致仕序

送東川段君考績序

送劉長沙通判序

送大司空石湖何公政政序

贈鄒維東知德安府序

歐陽孺人陳氏六十壽序

贈秦象之知曲靖序

風木圖詩序

陳思古集序

卷之十

序十

淳菴處士許君六十壽序 盛氏族譜後序

朱程問答序

誥封太宜人劉母陳氏壽序

贈宋君獻可陞知真定序 贈須南野陞陝西僉憲序

贈呂君君言陞知兗州序 贈陳師禹出守岳州序

贈陝西叅議南庄喬公序 莊浪篇有序

餘冬敘錄序 暢山永墓詩序

贈鶴亭王公考績序 贈南野歐陽子考績序

贈羅江洗公三品考績序

壽容菴處士程君世大七十序

贈楊叔用陞知馬湖序 重刊許山屋百官箴序

贈楊君匪夫考績序 贈潘君弘夫陞知太平序

壽聞人母王太孺人七十序

徐生椿萱具慶序 贈姜君錫知臨安序

贈二槐沈子陞知延平序 王封君醒菴七十壽序

贈御史燕崖李君考績序 贈吳君德徵考績序

雪坡顧君八十壽序 鶴亭處士李君七十壽序

具慶重封圖序

送大司馬紫巖劉公應 詔北上序

海山慶壽圖序 一溪玉君還山序

淳菴處士許君六十壽序 盛氏族譜後序

朱程問答序

誥封太宜人劉母陳氏壽序

贈宋君獻可陞知真定序 贈須南野陞陝西金憲序

贈呂君言陞知兗州序 贈陳師禹出守岳州序

贈陝西叅議南庄喬公序 莊浪篇有序

餘冬敘錄序 暢山永墓詩序

贈鶴亭王公考績序 贈南野歐陽子考績序

贈羅江洗公三品考績序

壽容菴處士程君世大七十序

贈楊叔用陞知馬湖序 重刊許山屋百官箴序

贈楊君匪夫考績序 贈潘君弘夫陞知太平序

壽聞人母王太孺人七十序

徐生椿萱具慶序 贈姜君錫知臨安序

贈二槐沈子陞知延平序 王封君醒菴七十壽序

贈御史燕崖李君考績序 贈吳君德徵考績序

雪坡顧君八十壽序 鵠亭處士李君七十壽序

具慶重封圖序

送大司馬紫巖劉公應 詔北上序

海山慶壽圖序 一溪王君還山序

贈掌科南岡曹君考績序

封監察御史禾江傅君暨配劉孺人雙壽序

贈靜菴袁公 詔改北少司徒序

贈曹寧波序

贈南戶部周正郎陞知雲南府序

贈張仲立陞知順德府序

贈四川少叅東穀孫君文宿新任序

贈經府黃性之陞知阡府序

贈陳正郎陞知姚安府序 刻橫渠先生易說序

卷之十二 序十二

半間先生沈翁七十壽序

贈大京兆毅菴孫公致政序

贈周懷王之任序

贈南野歐陽子陞太僕少卿序

贈簡州知州程惟時序

太子太保兵部尚書秦公七十壽序

贈侍御謝子清戎序

周詩漢傳贈魏太守之西安任有序

贈上濠湯子陞雲南僉憲序

賀太子少保大司空石菴蔣公七十壽序

菊隣處士吳君七十壽序 法曹陳子榮壽其親序

趙正郎重慶榮壽序

賀封御史靜軒荀君暨配袁孺人榮壽序

衢州篇序

贈鴻臚趙邦佐九載考績序

文氏家譜序

靜菴處士徐君七十壽序

贈南少宰鍾石費公考績序

費氏傳芳集序

贈李君陞任山西少參序

贈趙曲靖序

贈地曹文治伯考績序

贈王道宗知潞安序

又溪文集序

贈方城楊公進政太僕卿序

贈順德知府高弁之序

贈趙子明知瓊州序

卷之十三 序十三

贈董正郎致政序

靈椿榮壽圖序

贈李潭水還任河南序

送忠所何封君還泉州序

林母蔡太安人七十壽序

楊氏族譜序

王氏家錄序

別顧承美序

晦菴朱子文抄序

陝西鄉試錄後序

壽對山先生康子七旬序

貞節趙李詩序

沈元明詩稿序

雲夜吟序

賀解梁太守解母郭氏八十序

李母蕭太淑人八十壽序 多士贈言篇序

王母方太安人六十壽序 新昌呂氏家乘序

贈大司徒前總督三邊大司馬松石劉公之部序

封監察御史東村張公榮壽序

陝西奏議序 烏臺風教序

賀七峯方伯孫翁壽序

典膳忠菴任君七十七壽序

大司馬南澗楊公家世序 高陵縣志序

兩淮運同靜菴韓公七十壽序

壽魏母劉太孺人八十序

送湖廣按察副使魏少穎之任序

贈雙仲祥陞鎮原縣序

卷之十四 記一

雲槐精舍記 董仲舒祀田記

悔齋記 維氏重慶堂記

羅節婦陳氏記 秋山記

吳氏繼善堂記 徐生壽親記

瑞談記 紹文堂記

重建米脂縣文宣王廟儒學記

劉侯戮虎記

重修華州治記

登真觀記

河東書院記

鎮鄖樓記

贈太師左柱國謚端毅吏部尚書王公祠堂記

上蔡先生祠講堂記

小岷山記

涇陽縣修城記

夏縣重修大禹廟記

重修學古書院記

固原州行水記

新修劍州名宦鄉賢詞記

仇氏同心堂記

三原縣知縣程君去思記

河東運司學進士題名記

河東運司學舉人題名記

河中書院題名記

重修南鄭縣儒學宮廟記

運城人攀留楊運判記

重修華州學宮文廟記

華州疏水渠記

李氏家廟記

卷之十五 記二

高陵后土宮記

首山記

西溪草堂記

解州重修文廟學宮記

重修昭慧院記

重修天王寺記

新建元城書院記

重修清真觀記

兵部武選清吏司題名記

河南太守吳君防洛記

重修大興縣治記

朱御史修復宋相文正公司馬先生碑祠記

大科書院記

唐氏種松記

全終堂記

重修洙泗講壇記

重修東鹿縣護城堤記

郭氏忠孝堂記

南和縣劉侯修學記

西嶼草堂記

遊王官谷記

董氏祠堂記

思政軒記

絳州重立古法帖第一記

甃修河東運司城記

卷之十六 記三

東樓書院記

馬氏祠堂記

平陽府重修文廟學宮記

直隸潼關衛重修學宮文宣廟記

倚氏縣重修學宮文廟記

張氏佳城記

絳州尊經閣記

安邑縣重修儒學記

臨晉縣改脩儒學記

平陽府重修平水泉上官河記

重建李太守行水碑記

新甃運城西南面及廣郭門記

遊龍門記

重建薛文清公祠堂記

河東鄉賢祠記

夫子像殿記

重修封丘廟學及群祠記

重建溫國文正公司馬先生祠堂記

重修平陸縣儒學記
白石樓記

臨汾縣重修文廟學宮記
省克堂記

重葺河東東察院記
觀底柱記

別解梁書院記
上黨仇氏新建東山書院記

定性堂記
與齋記

甘泉行窩記
貞節熊四之女記

重建睢陽五老祠記
臨淮縣重修文廟學宮記

卷之十七
記四

學易窩記

遊燕子磯記

遊靈谷記

遊高座記

遊省中南竹塢記

遊鷄鳴山記

遊白鶴道院記

遊牛首山記

遊獻花岩記

遊敬亭記

仰止亭記

潮州府海陽縣重修儒學字記

五溪書屋記

重修平陽府臨汾縣文廟記

鏡閣記

長洲縣名宦祠記

南京戶部分司題名記

新修白廡洞記

村前彭氏二堂記

白石書院記

卷之十八 記五

錢氏重建祠堂記

木齋處士胡君暨配汪氏可藏記

重修二忠祠記

定遠知縣劉侯去思碑記

樂堂記

重修環谷書院記

重修靈應觀記

重修義勇武安王廟記

志勤堂記

南京錦衣衛重修記

三近齋記

南京工部重修

太廟成欽受 勅書記

容菴記

江陰縣新建啓聖祠碑記

榮養堂記

耕雲堂記

南京戶部新建浦子口草場記

靜修書室記

嘉樂堂記

李氏家廟記

南京戶部重建銀庫記

嚴氏家廟記

羅江洗氏祠堂記

王氏祭田記

遊廬龍山記

明旌表張節婦李氏碑記

明誠精舍記

新建篤志書院記

新建王官書院記

宿州吏目仇君時濟去思碑記

明贈資善大夫南京工部尚書舫齋李公新阡記

卷之十九 記六

重修南京詹事府右春坊記

世敬堂記

新建和州儒學記

江氏樂壽堂記

孝友堂記

余氏義田記

白鶴山三思記

耐齋記

慶源堂記

六合尹何君去思碑記

重修武定鎮城記

全椒縣重修文廟儒學記

九江同知黃性之去思記

陝州新開泮池記

衍慶堂記

石歲堂記

重建泰州文廟學宮記

瑩芝記

世德流光堂記

端本堂記

高郵州重修文廟記

雲章樓記

黃氏祠堂記

新立龍居集場碑記

新修塗河橋記

涇野呂翁之次孫永賢塘碑記

重建 敬一亭啓聖祠尊經閣記

蒲州新建閘河引水衛城記

胡氏族譜記

新建巡茶察院行臺記

陝西貢院重修記

許昌新建鄉約所記

暮至渭濱觀網鯉記

遊白雲洞記

卷之二十 書一

荅崔吉士仲息書

荅馬吉士敬臣書

與康太史德涵書

荅馬固安君卿書

再荅馬固安書

與穆司業伯潛書

復喬家宰先生書

荅張侍御仲脩書

與韓少參五泉書

復周江陵克述書

與對山書

與田憲副勤甫書

與寇大理子惇書

復寇子惇書

與景伯時書

復秦西澗書

復孟望之書

復蕭吉夫憲副書

復朱士光書

荅山陰朱守中道長書

與康王二上舍

與東洲夏于中東

與呂九川書

復林平厓書

復孟都憲書

復王德徵書

與對山書

與涂水京兆書

與柳泉方伯書

復寇涂水書

荅熊憲副書

與何開州粹夫書

與裴伯脩書

復劉元瑞書

答張仲脩書

再答張子書

與薛孝夫書

與伯循書

再東劉蒲城遠夫書

復厚齋梁閣老書

謝唐虞佐提學書

答寇涂水書

答馬谿田書為接

慈聖皇太后喪

與李御史元白書

答李南崖書

答谿田書

奉虎谷先生書

復王端溪書

答虎谷先生書

答王端溪子德徵書

與端溪又帖

與邑侯程汝揚書

與李仲白書

答師巡按汝愚書

奉瀘州高半山先生書

在賢山寺答康子小柬

復李方伯六卿書

答寇涂水書

答馬敬臣書

與康對山書

與秋季醇康德一德清以忠四子書

復盛都憲書

徐南厓李元白書

復對山書

答何仲默書

答李劔州白夫書

答李白夫書

復李白夫書

與張東谷用昭大叅書

與胡催糧柬

與鄒都憲書

復劉方伯書

答樊季明書

復陳憲長禹學書

與王大史羨陂書

復盧巡塩書

與王良輔柬

復王太守柬

復王分守書

與楊叔用書

上盧大巡書

復襄垣殿下書

復漁石唐虞佐書

復朴菴殿下書

答趙隱士復蒙書

復雷石子書

答玉溪子書

又答玉溪子書

復玉溪子書

與林幼培幹

與李仲白書

答師巡按汝愚書

奉瀘州高半山先生書

答馬敬臣書

與康對山書

與秋季醇康德一德清以忠四子書

復盛都憲書

復南星李元白書

復對山書

答何仲默書

答李劔州白夫書

答李白夫書

復李白夫書

與張東公用昭大參書

復內濱公書

復李方伯立卿書

答樊季明書

復陳憲長禹學書

與王太史漢陂書

復盧巡鹽書

與王良輔東

復王太守東

復王分守書

與楊叔用書

復遂翁書

復襄垣殿下書

復漁石唐虞佐書

復朴菴殿下書

谷趙隱士復家書

復雷石子書

谷王溪子書

又谷王溪子書

復王溪子書

復應素菴書

復漁石子書

啓初大巡書

致書解梁書院哀王二上人

卷之二十一 書二

復應元忠書

谷王溪子書

復內濱子書

又復內濱子書

與崔司成後渠書

復內濱書

又復內濱書

谷內濱書

谷楊達夫書

谷王王溪書

谷茅邦伯新之書

谷楊掌教書

復石岩處士書

復月梧喻方伯書

復雙溪張侍御書

谷王良輔書

谷大巡張雙溪書

再谷雙溪書

復雙溪書

谷提學章介菴書

谷浦大巡書

谷大司馬楊南澗書

谷王大巡湛塘書

復洪洋都憲書

谷谿田書 又谷谿田書

谷陶叔度兄弟書

與漢陂先生書

谷王端溪書

復方伯喻月梧書

谷魏少頴書

谷王國珍書

與藍田趙尹書

與王二守書

谷張二守幼養書

谷齊叔魯書

又帖

與漢陂先生書

復幼養書

谷應元忠書

與章汝明書

復唐應德書

復毛古菴書

谷戚掌科書

谷牛冰亭書

谷尹志夫書

谷劉紫巖書

再谷可泉書

復寇中丞涂水書

谷無為守朱子仁書

谷鳳陽曹太守書

谷彭全夫書

谷馬谿田書

谷丘汝中書

谷陳忠甫書

谷朱上南書

谷朱子仁書

再谷子仁書

谷陳子發書

谷朱鶴坡子書

謝解州諸君子書

谷松石中丞書

荅黃太常書

又荅黃筠溪書

荅谿田書

荅程君脩書

荅東溪汪先生書

荅范伯寧書

荅松石都憲書

荅薛西原君采書

荅魏子材書

荅曹都憲先生書

荅洪侍御浚之書

荅陸伯載書

荅胡可泉書

荅曹性夫書

復招勤卿書

荅樊少南書

荅凌德容翰書

荅程惟信書

荅張汝敷邦教書

荅魏子材書

與弘齋書

與王克孝書

荅朱仁夫書

荅黃允靜書

謝邃菴閣老書

再荅子發書

荅胡貞甫書

荅韓汝器書

荅范伯寧書

荅程惟時書

荅楊允之書

荅汪伯重書

荅陳子器書

復柳士亨書

荅張仲完書

荅鄒廷俞書

荅陳虞山書

荅張範中渠書

荅余晦之書

荅呂九川書

谷夏方伯年兄書

報崔後渠書

再答戚掌科書

答宗伯渭厓霍公書

答鄭維東書

答後渠崔公書

與滁州林太守書

與謝應午書

答仇文實書

與石泉都憲書

答李端甫書

與應元素書

與內濱初公書

再答晦之道長書

答戴時化工部書

答葉地曹子大書

答顧雍里提學書

答可泉中丞書

復李上賓年兄書

答可泉書

答王槩谷中丞書

答胡雨之書

寄西亭施聘之書

答東橋司寇書

復克齋奉常書

答韓汝器書

答崔洹野書

復魏少穎書

復洪洋趙中丞書

答李從書

卷之二十二 誌銘一

馬母李氏墓誌銘

劉母徐氏墓誌銘

文林郎高陵縣知縣李君墓誌銘

資善大夫南京戶部尚書正誼先生雍公墓誌銘

明奉政大夫雲南武定府同知龍巖先生高公墓誌銘

邢母駱氏墓誌銘

太學生趙君暨配王氏墓誌銘

奉議大夫金華府同知思菴先生薛公墓誌銘

卷之二十三 誌銘二

襄陵尹胡君墓誌銘

崇慶州判恬菴先生崔公墓誌銘

通奉大夫陝西左布政使石泉張公墓誌銘

兵科給事中許君墓誌銘

誥封李淑人因氏墓誌銘 呂仲橋壻誌

福建按察司副使封中憲大夫蓮峯先生韓公墓誌銘

卷之二十四 誌銘三

明誥封大宜人郝母惠氏墓誌銘

明承德郎上元知縣涇川魏君墓誌銘

明誥封亞中大夫宗人府儀賓王松仇公墓誌銘

明故中憲大夫河南按察司副使庸菴史公墓誌銘

副憲賈會期墓誌銘 楊節婦趙氏墓誌銘

明贈左副都御史謚忠節江西按察司副使許君墓誌銘

明封孺人程母孫氏墓誌銘

明僉都御史前國子監祭酒虎谷先生王公墓誌銘

卷之二十五 誌銘四

誥贈禮部郎中東樓劉公暨配封大宜人翁氏墓誌銘

江浦知縣耿君德華墓誌銘

明詔錫監察御史怡軒李君墓誌銘

明贈禮部主客司主事純朴軒曾君墓誌銘

明湖廣按察司僉事添里左君墓誌銘

明亞中大夫四川布政司左叅政硯生先生葉公墓誌銘

明中奉大夫江西布政司右叅政項公墓誌銘

明封孺人康母王氏墓誌銘

明中順大夫應天府丞璞菴楊公墓誌銘

封南京刑部主事東林陸君配贈安人陶氏繼配封安

人胡氏墓誌銘

卷之二十六 誌銘五

監察御史唐君墓誌銘

封丘知縣王君配封孺人陶氏墓誌銘

明封太孺人王母張氏墓誌銘 湖廣處士胡伯行墓誌銘

應天學生東軒林君墓誌銘 明集義處士王君墓誌銘

郡賓伺菴袁君暨配沈氏墓誌銘

南京兵部主事曹君墓誌銘 唐母任氏墓誌銘

封南京戶部郎中河東周君墓誌銘

中憲大夫山東按察副使霍泉羅公墓誌銘

封太宜人牟母楊氏墓誌銘

卷之二十七

誌銘六

封孺人范母何氏墓誌銘

兵部右侍郎涂水寇公墓誌銘

明誥封淑人羅江洗君之配霍氏墓誌銘

明封南京戶部郎中冲菴鄔君墓誌銘

明流溪處士文君暨配楊氏墓誌銘

明福建泉州通判禾塘李君墓誌銘

贈南京戶部員外郎東干陳君暨配太宜人徐氏墓誌銘

明工部郎中東丘揚公配安人潘氏墓誌銘

贈工科給事中鹿門汪君墓誌銘

明開國輔運特進榮祿大夫柱國靈壁侯湯公墓誌銘

卷之二十八

誌銘七

明奉訓大夫西州知州北橋劉君墓誌銘

明福建左布政使質菴范公墓誌銘

明誥封宜人右京工部郎中李時昭之配孟氏墓誌銘

誥封太宜人本丁母康氏墓誌銘

明監察御史山程君之配方孺人墓誌銘

明南京工部右侍郎中梁張公配淑人呂氏墓誌銘

明贈徵仕郎禮科右給事中前扶溝縣史李君暨配封

太孺人胡氏墓誌銘

王生德誠墓誌銘

明故奉直大夫刑部陝西司郎中黃君墓誌銘

卷之二十九 誌銘八

明江西布政司叅政蘭峯先生程公暨配宜人汪氏墓誌銘

明贈孺人李氏董氏暨贈孺人穆氏墓誌銘

明大中大夫巡東苑馬寺卿東岸先生郭公墓誌銘

南京國子監典簿李舅之配魏氏岳母合葬墓誌銘

明榮祿大夫南京戶部尚書贈太子少保石樓先生李

公之配淑人張氏合葬墓誌銘

明贈中憲大夫真定知府裕菴宋公暨配魏恭人合葬

墓誌銘

明通奉大夫四川左布政使繡嶺楊公墓誌銘

明義官仇君時淳墓誌銘

明贈工部右侍郎兼都察院右僉都御史南峯先生潘

公暨配淑人施氏墓誌銘

明兵科給事中北郭先生劉君墓誌銘

卷之三十 墓碣一

閩鄉薛立墓碣

儉菴先生沈君配祁氏墓碣

誥封一品夫人王母文氏墓表

壽官張君墓碣

處士秦君配趙氏周氏墓碣銘

味道先生劉君墓碣

南陽府教授封翰林院檢討王先生墓碑

武畧將軍南京廣洋衛副千戶劉公墓碑

王純菴墓碣

王恭人鞏氏墓碣

兵部左侍郎槐堂先生胡公配淑人陳氏墓表

勅贈承德郎戶部江西清吏司主事渭南南先生墓碑

昭勇將軍靖虜衛百戶魏君墓碣

安邑知縣敬齋魏先生墓碣

懷遠將軍指揮使平林陳石配淑人費氏墓表

太平居士魏君暨配張氏線氏墓碣

處士周君墓碣

徐孺人李氏墓表

唐魏鄭公之遠孫魏成墓碣

承德郎保寧府通判熊君暨配朱安人墓碣

舉人趙君墓碣

明贈孺人林母李氏墓碣

獨復管君墓碑

河間府通判石山趙君墓碑

慈節陳母王氏墓表

明監察御史靜軒呂君墓表

封禮科給事中尚先生配孺人蘇氏墓表

明山東左布政使張公墓表

卷之三十一 墓碣二

明處士應公暨配貞節陳氏墓碑

五峯先生林君墓碑

上蔡知縣史君矢菴墓碣

代府輔國將軍脩德齋墓表

明贈監察御史朴菴劉公配封太孺人王氏墓表

明懷遠將軍潞州衛指揮同知高公墓碑

明潔齋先生閣君暨配白氏墓表

明定海主簿賈君墓碣

明教諭靜菴先生王君墓表

明封文林郎判淮安府前中兵馬指揮使張君暨配孺人馬氏墓表

浙江布政司理問裕菴况君墓表

鸞峯處士呂君墓表

廩膳生謝達妻朱氏貞節墓碑

贈南京右軍都督府都事雲澗張公墓表

封安人張母馮氏墓表

監察御史王厓陸君墓表

封太孺人景母王氏墓表

封通議大夫右副都御史毅菴先生寇公配淑人趙氏神道碑

明勅封安人誅靖懿周氏墓表

贈吏科都給事中呂公配封太孺人加賜淑人服色王氏墓表

贈南京刑部主事文亭秦君墓表

孝女王氏碑

卷之三十二 墓碣三

都察院右僉都御史南澗林公墓表

加贈資政大夫南京禮部尚書樵林湛公配夫人梁氏神道碑文

湖廣按察司僉事敬軒沈公配孺人章氏墓表

中憲大夫馬湖知府存齋顧公墓表

奉政大夫刑部郎中東郭周君墓表

徵仕郎禮科右給事中古菴毛公墓表

嘉議大夫南京刑部右侍郎周玉巖公神道碑

明中憲大夫大理寺左少卿半窓羅公墓表

明武定軍民府同知石軒王君暨配宜人翁氏墓表

南京戶部湖廣司郎中拙菴許君配贈宜人楊氏墓表

明贈承德郎刑部四川司主事東野黃君暨配蔡安人墓表

大明前翰林院修撰對山先生康公墓表

東一處士朱君墓表

明中憲大夫樂菴先生劉公墓表

明履齋處士暨配段氏墓表

卷之三十三 語一

會同之什後語

別長樂顏體嚴語

讀東曹椿祝語

書吳生松卷語

書天機感應卷後語

書南濱冊子語

送王尚周還蘄水語

送陳子明還泰和語

別范伯寧還郴語

送吳生世寬還莆田語

別呂名世語

別陳敬夫語

送別曹性夫語

別周懷玉還福寧語

別黃允靜還南昌安義語

別邵文化還湖州語

別林基學語

贈廖曰進還高安語

別王貞立語

送費振伯語

贈木齋處士壽語

贈何叔防語

別紀豫之語

別柳士亨語

別章宣之語

書永慕堂後語

別陶兩生語

贈別王伯啓語

別戴時化語

贈別林秀卿語

贈黃子積語

贈謝應千語

贈華如閔還無錫語

別徐子中語

贈朱季脩壽母七十語

贈廖叔高還衡陽語

書汪節夫家訓語

贈蕭時化語

贈黃珍之語

送劉幼醇語

贈聶士哲語

再別立早宣之語

贈王道克還清江語

贈程惟時語

贈王左卿語

贈李和中語

贈王鞞孟語

贈太學生盛東伯還海陽語

贈錢執夫語

贈何公節北上語

別黃仲德語

再贈吳子積語

贈金用九語

贈江公薦語

贈蕭鎮南語

贈蕭子聞語

贈曹子齊語

白子古父竹石壽語

贈周時敷語

贈方公儒語

史德化之祖母下壽語

贈黃用晦語

贈劉思補語

卷之三十四 傳一

子畏于匡傳

節婦張氏傳

宋先生傳

琴鶴先生朱楚琦傳子諱附

古真先生傳

巡撫宣府十二公傳有序

解州鄉賢祠傳有序

少參休菴王公傳

桂坡子安民泰傳

贈君鄒宗孟傳

玉田處士伍先生傳

卷之三十五 說一文一

李得輿兄弟字說

陳氏二子名字說

林幹字說

馬氏兩生字說

丘孟學字說

克齋說

許汝賢字說

永慕說

橋東書屋說

黃子積字說

贈半恣子說

歐陽曰大字說

善慶堂說

謝伯已字說

宋宗易字說

胡大器孺道字說

仰山說

赤溪夏君廬墓說

謝應鴻字說

蔣參之字說

王叔孝字說

同愛亭說

陳汝學字說

陳正甫字說

許應魯字說

盧叔道字說

梅岡晚隱叙說

來端本字說

來端言字說

祭文

祭程東軒文

哭栖仲止文

祭太師王端毅公文

祭戴編脩寅仲文

祭史太孺人馮氏文

祭乙峯蘇司寇文

祭叔父壽官文

嘉定程先生文

祭王太夫人文

祭馬太夫人文

祭誥封淑人崔母李氏文

祭蓮峯韓先生文

祭渭南李翁文

祭趙于岐文

祭龍灣先生文

祭景伯時母夫人文

祭李御史道甫文

祭宣府十二公文

祭五泉韓少參文

祭何封君文

祭有唐帝堯文

祭有虞帝舜文

祭夏后大禹文

祭平陽名宦文

祭平陽鄉賢文

祭鹽池群神文

河東運學鄉賢祠文

卷之三十六

題辭一

跋一

策一行狀誄議銘箴一

題叶孝甫瓊林醉歸圖

題四川南處士任君廷實錫賑貧圖

題木子震卿瓊林醉歸圖

望闕行禮圖題

題畫贈蒙化陳思中

題空同東

題翰苑叢珠卷

日愜齋題

題可山冊辭

冲菴題

題易氏圖訓

東軒題

文獻世家題辭

穎溪詩冊題辭

養齋題辭

冊菴句口題辭

怡萱題

題羨陂辭

素菴題辭

題桃溪卷

題竹

題馬鞍山路

介立題辭

碧溪書屋題辭

觀花春宴題辭

冷水墓題辭

日休亭題辭

風木遐思題辭

孟訓堂題辭

與郭希說南雍贈別題辭

王以族譜題辭

西渠墓碑題辭

賞豐樂亭題辭

鴿蟾雙悲題辭

廢菴題辭

觀大禹王書題辭

九十壽康題辭

儉菴行樂題辭

靜樂得言題辭

林世藏勅題

登瀛圖題辭

閻孺人七十壽詩題辭

金陵贈意題辭

蒲塘清隱題辭

有明山西叅政西澗先生秦公墓碑題辭

霄山題辭
題胡仲吉愛山辭

西溪逸翁題辭
覽西溪誌銘題辭

九思誌銘題辭

明南坡處士柯君之墓碑陰題辭

燕磯倡和詩題辭
贈君月厓先生墓表題辭

椿萱齊白頭題辭
清慎箴題辭

秋雨重宴題辭
懷中畏簡題辭

一舫齋跋
志悅錄跋

雙節集跋
使覽圖跋

汝帖跋
跋郝中牟德政遺音冊

跋羨陂子省親卷詩

跋周中丞子庚北行倡和卷

跋顏魯公墨蹟
雲樹馳情跋

跋空同子詩卷

跋管仲姬黑竹趙子昂小簡

跋甘泉先生書白沙公語
跋南山之作卷

跋顧東橋華玉携友玩月圖

勒大科書院訓規跋
跋遊天台卷

跋愚逸素履卷
跋大科書院訓規

寓思圖跋

野塘集跋

跋鳳溪張尹卷

南軒薛仁和傳跋

黃雪洲哀輓跋

巡歷邊關詩跋

韓忠定公遺墨二跋

其二

終墓集跋

穎水別意跋

洛原詩卷跋

林氏世藏圖跋

澤存堂跋

試雲槐精舍諸士

試東林書屋諸士

試解梁諸士

試河東書院諸士

試解梁書院諸士

試河東書院諸士

試山西士子

試解梁書院諸士

策試河東書院諸士

驚峯東所策目

試問太學諸士子策

兵部尚書胡公行狀

明都察院右副都御史南峯曹公行狀

司馬石岡蔡公誄

大宗伯方齋林文修公誄

明光祿大夫柱國太子太保戶部尚書贈特進太傅韓

公謚忠定議

李司徒之三世贊丘縣公贊

丘縣先生夫人吳贊

誥贈都憲耆賓公贊

誥贈淑人王贊

一菴先生贊

誥贈淑人譚贊

戒軒先生像贊

質菴林先生像贊

希古黃先生像贊

稼軒李先生像贊

懷德叟劉先生像贊

邵南臯方伯像贊

中丞盛程齋像贊

東圃張君像贊

太宰介谿公像贊

隨如居士陳君用卿像贊

陳母曾孺人贊

樸翁先生像贊

樸翁夫人袁氏像贊

碩齋先生像贊

碩翁夫人段氏像贊

涓厓霍公像贊

贈君劉翁像贊

贈孺人王像贊

醒菴王先生像贊

王孫軒像贊

遜軒配贊

秦邦泰像贊有序

解母郭夫人像象

王母尹孺人像贊

恩榮壽官三原趙翁像贊

毅齋解

荷峯解

弘齋解

宗人府經歷箴

寶稽堂銘

上黨仇氏鍾銘

涇野先生文集目錄終

涇野先生文集卷之一

南京禮部右侍郎致仕前國子祭酒翰林修撰兼經筵講官修國史高陵呂再撰
巡按直隸等處監察御史門人建德徐紳海寧吳遵彭澤陶欽臯編刻

序

太學送張仲修序

弘治壬戌之冬西渠張子仲修自太學歸章德同志之士矢
詩以別令予為序夫敘者何敘別也敘別者何敘所以別也
敘所以別者何敘會志也故古者弗會弗別也弗別弗會也
會不如別弗會也別不如會弗別也昔者顏淵之會子路也
子路曰願車裘與朋友共敝之而不愠顏淵曰願不伐善而

施勞其別也季路處顏淵曰過其墓式之祀則下之顏子贈
曰去國哭于墓復展墓而勿哭故子路勇於義顏淵弗違仁
然則吾黨何以別張子也方子鏜曰贈張子強有力秦子偉
曰不如愚也趙子用寧曰博學于文斯不怠馬子理曰非也
曾子省諸已故外寡也田子汝耜曰母多疾于咎人崔子銑
曰絕戲謹勿品人甲子先後馬子卿曰母氏劬勞亟為祿養
寇子天敘曰守貧勿忘其初呂子柟曰可以別矣夫張子何
以處吾黨也

具慶堂序

延安趙生揚生來從學予以其年之長我也辭為友二子以

為卻也奠贄求之懇揚生舊為具慶堂卷以樂親請予敘予
曰孟子以父母俱存為三樂之首蓋以君子盡天下之學備
天下之道澤及天下之人者皆於父母乎出之亦必于父母
乎成之所謂孝也然猶不敢自是而必求正諸人所謂師也
昔者公明宣學於曾子三年不讀書尹焞游程門半年後方
得大學西銘看生之從我且未浹時而尚書大學語孟講殆
周言論繁而躬行鮮回視古人俱有愧乎雖然生聰敏綽有
德器與講語孟奧義及程朱之旨輒即解恍若不在文字間
苟卽是推而大之體而行之當必又求嚴師如橫渠所說者
矣斯又父母之所具慶也

侑觴之什序 送秦世觀乃翁 弘治辛亥

慎庵先生德如蘭麝義方之訓其子式遵慕而懷作者英社

薛上才如厥子俟庸明時君子樂之作醉倚離亭 張仲禮義

勤渠如見其父我之子矣實惟我友作嗟我軫 勤腹心為一

者十八九年視其親一而已矣作憶惜 馬伯兒酒在罇父馬

西返作千里東來 王蓋子父之情不為別離別離萬里情當

若何作忍看 趙惟明月在天薄照離懷作疋馬于門 白子春

雲夜入夢寐其子寤而哭之作蕭蕭羸馬 雷天言念父訓三年

不聞覩公如見淚濕我衣作憶惜辛酉 呂仲安宅正路未能

居而由之是用大作作匪飢匪渴 馬敬樹有啼鳥時戀其母

聲聞於野如泣如訴如哭如語作愛日 遠方有懷千古慎姣

交遊作管鮑陳雷 孟望遊子之情見父若何倏爾別離可但

愴心作寒月照簷 趙德性嗜菘菹父飽其腹此離不茹于今

三年竭力在何日感而零涕作樗櫟 樊季無德不酬無善不

復上帝之寵良自今始作蘆溝 忘其人

燕山野餞序

惟正德己巳三月己未禮科都給事中潘伯振鐸出守漢中

伯振僚友張季升雲呂道甫經輩作詩送之成帙曰燕山野

餞既請柙為序柙原君意敘曰

皇帝若日來爾鐸汝惟典禮給事黃門誕惟天下文命或廢

或興惟乃攸知予曰有宗伯予曰有太常予曰有鴻臚國子
其有不共惟乃攸採亦惟爾秉貞克相予一人克共明神俊
民有造禮儀罔忒惟爾有攸言克秉厥體嘉謀多于先帝唐
陟爾于丕郡守茲中漢厥土惟廣厥田惟腴厥民惟殷今天
下博旱荆楚侯甚三輔侯次南北胥奔惟漢之食漢亦厲止
夫瘁于途婦餒于室爲朕心疚汝其念哉又若曰漢俗孔偷
惟女不忌旅惟夫不醜女邪風未殄襄陽是遠汝念哉嗚呼
爾惟不欲惟漢之足爾惟弗辟惟漢之訛乃有敗俗干化寇
攘越人惟爾之僻罔有攸貸爾克敬誕惟民之父母惟民攸
託予其丕錫爾庸簡爾廷宅乃上卿輯乃兆民

又序

燕山野餞贈潘伯振也伯振明裡敦如丘山不忌不忒典司
邦禮亦惟有攸言克秉厥體嘉績多于

先帝 帝用賴之庸陟伯振于丕郡守茲中漢春日既暮僚
友送之燕山各賦爾詩伯振永懷誕惟漢廣厥田惟腴厥民
惟殷今天下博旱荆雍胥奔惟漢之食漢亦厲止夫瘁于路
婦餒于室爲帝心疚漢俗孔偷邪風未殄襄陽是遠爾惟不
欲惟漢之足爾惟弗辟惟漢之訛是燕山之義也

壽曹母太夫人八十序

曹太夫人姓張氏今年正德己巳生八十年嗣子時範求僚

友作詩歌為八十之賀請予作八十詩序且曰吾母素抱貞疾日飲食不能數數弘治戊申吾父沒母疾日加劇乃謂銓曰吾疾不能視子之成兒能力學以成爾父志耶銓涕泣感激讀且侍湯藥得少間弘治戊午母病再劇銓獲舉于應天母聞之病悠悠在床且死乃喜而坐起曰吾兒舉矣病遂頓愈自是不復加劇者將十年也去年吾舉進士奉使得過吾句容時母以銓之離膝下久也憂思殆將復病已數月不出閨閣見銓來曰兒舉進士來矣乃令兩婢子攬左右腋起慰吾下上樓梯不覺難遂不病老益康強嗚呼母病初劇吾舉於鄉愈母病將再劇吾舉進士愈吾母之心良可傷已泣下又曰苟可延吾母于百歲者繫當何如其為力也予嘆曰有是哉時範自是有職于

王朝使能行其所學功澤加于上下以顯父母令太夫人身親見之區區科第之悅不足道也太夫人之壽又奚啻百歲哉

賀山陰先生壽序

同年石邦瑞十人者詣予曰某皆習于清苑王宗周某皆兄弟君之今且同年舉進士故其父山陰先生某皆奉以猶子禮今年山陰先生生五十四年筋力鬚髮俱茂老狀又喜宗周舉進士如狂宗周曰此亦可以克親悅吾人子者可樂然

進矣予十人者乃爲詩歌奉壽山陰先生請予序之又曰山陰先生爲清苑學生時門下授徒勤于訓誨種種成材身九試于鄉及不第迺從縣歲貢爲太學生云去年銓注尹山陰縣適山陰饑饉山陰先生發預備倉以救山陰請于上官上官下約與之民乃增量數與之上逆上官意上官怒譴山陰先生山陰先生迺遂求解官去若山陰先生者又古之慈良溫厚者也予曰慈良溫厚者仁之資也充宗周之言孝之備也兼斯二者山陰先生之壽百歲未可艾也

送林侍御之南京序

正德四年間

朝廷數缺御史予同年進士揀補者數十人林君雲從與焉未幾

朝廷又以御史多新進不老請憲體不可遽令出風表諸臣工也乃取南京御史之三四年者于

朝而以新御史補南缺林君雲從與焉將行雲從同鄉之宦者及同年友謂雲從莆田望族父井菴君天順甲申進士爲御史王父登永樂甲辰進士曾王父爲兵部員外郎雲從又爲御史簪纓赫奕可賀也予謂雲從亦不可不勉聞井菴君憲廟時爲名御史陳善閉邪易儲之諫激列劄切下獄而不自悔至今人道之夫雲從之勉又豈可他求哉或曰號直

言不避者漢言驄馬御史唐言膽落御史宋言鐵面御史從事大本者又自目啞御史雲從何宅焉曰時各有宜也道各有在也心各有安也不然龔龔啞則諛龔龔鷹擊則饋事

古稀雙慶序

予同年進士田裕夫父木菴先生生七十年母洪氏夫人亦生七十年裕夫喜甚且懼求諸名卿詩賦上父母供悅樂以頤壽曰古稀雙慶請予爲之序予曰木菴先生敦篤質直讀孔孟書崇禮誼夫人若道以相之若是則性命罔虧神完而體健固宜壽也木菴先生築書屋蕭山之道源自課裕夫兄弟五人之業裕夫兄弟五人皆俊拔成材裕夫且舉浙江第

一又舉進士木菴先生之志行矣其樂無涯夫人曰予亦樂無涯若是則志氣舒則百慮不生固宜壽也而裕夫猶今日舉者豈以父母愛子之心未有旣而子慈父母之道未有窮耶夫修諸其身使七情不鑿五性不賊俯仰不愧乎天地成已至道無愆無咎施諸其人法行遠邇功業見于上下聲垂後裔不沒其身用光顯先人此豈非裕夫所欲盡于父母而木菴先生所又望於裕夫者耶若是則木菴先生及夫人並千壽又可知也

送李時馨序

教學不明士習頗僻俗用偷敝古之人言曰人倫明于上小

民親于下故道立而後化行法備而後教廣善教者因其人而導之聰察問辯者矯之以默質朴遲鈍者激之使敏暴悍者抑之使順委靡自廢者鼓其氣使之奮然以有爲昏昧者開之使通淺陋者浚之使深躄玄而遺事者屈降其心使之實攻文辭直記誦不成于用者約之使有所歸安于卑近者揚之使高修飭其外者斂之使知虛名之不足恃此十者因人情之偏救之中也故能救斯十者則能爲人師人情之偏非止于斯十者可類推其他師之教非止于救斯十者知斯十者則凡因問而答隨感而應如造物者也然必我學不謬充于其中斯發于其身發于其身斯師于其人故

說曰惟學遜志務時敏歛修乃至允念于茲道積于厥躬惟敦學半云慶陽李芳時馨周慎簡朴學不務炫露今年教諭山西長子同年者欲贈言以相勉俾予若是乎道之

送楊河間序

國朝之制於內設糾劾白司振肅風紀者曰御史於外設承流宣化統理州若縣牧斯民者曰郡太守御史之職者多陟出爲郡太守上郡統數十州若縣中郡統十餘州若縣不能十餘州若縣者爲下郡近郡在帝都千里之內遠郡在千百里之外又遠郡在千萬里之間故得郡之上且近者爲賢得其次者爲次賢永壽楊宗德儀有聲御史今年陟守河間河

河間先生文集 卷一
間直隸郡也上且近銓注者固知宗德爾矣將行鄉士夫屬
柎為言以贈曰若宗德者易告也宗德邇年嘗巡按直隸直
隸之守慈祥溫良為長者不欲為廉直躬為貞惠民為仁孜
孜圖政者為勤宗德嘗奏陟之峻法為酷媚上為側橫賦為
賊荒酒自康者為廢職宗德嘗奏黜之今若以其所陟守者
為守不以其所黜守者為守則雖為天下守且有餘也而况
河間乎

別寇子惇序

南京大理寇子惇將行友人呂子別之曰夫學有五美亦有
五下美夫忠信不譎則美固執有志力則美簡淡則美不畏

高明雪皜獨則美持此道終其身不易則美夫忠信不譎弗
克明則或速欺侮則不美固執有志力弗克變則事情則不
美簡淡之流弊守雌守黑則不美不畏高明雪皜獨乃或長
傲長姦則不美持此道終其身不易而不知也則差毫釐繆
千里則不美故君子之道博其學所以求明也精審權衡所
以經物也有守以藏其用有為以顯其體所以為達也恭以
出其正義以行其慈所以宅上下也如天地無不覆載所以
廣所受也知所美之在此而天下莫能加焉所以終其身而
自不能易也寇子曰然

贈王曲沃序

漢召信臣守南陽政治清平百姓賴之後杜詩守南陽亦政
治清平百姓賴之故南陽語曰前有召父後有杜母言召杜
慈民協心咸有成績在民孟軻所謂仁聲者先後一也曲沃
晉鉅邑土厚人稠民多貧窶風俗剛悍未信難役至訟爭兩
造有口者卒然未能龍言服又不孔畏鞭笞考於詩蟋蟀采芩
諸篇皆沃俗也然崇勤儉尊朴直憂深思遠猶有陶唐氏之
遺風焉故可綏之以德弘治初近山劉公曾爲曲沃近山之
治沃也躬率以儉推誠心集之以不擾儉則賦省民殷誠則
百姓之情無不盡不擾則民安沃是以治也沃人至今思近
山如父母王君直夫能文章發解陝西至登進士詩賦不遜

隋唐人多才多計懷抱欲措百姓乃與近山同州里知近山
之治沃且詳又以其所有行之其於沃也何有行見沃人亦
如南陽人之爲語也直夫懋哉

榮輓錄序

莆田鄭行恕大司徒東園君之子方以進士觀政聞其母淑
人訃淑人黃氏適東園君克盡婦人之道歷封孺人恭人至
今封年七十四卒公卿以下知東園君與行恕者各輓以詩
歌行恕哀集成帙名榮輓錄屬予敘敘曰淑人性行之懿東
園君儀式刑之美諸輓者悉矣所增榮於斯錄者將無在行
恕善繼善述而有光焉者耶

壽楊貞菴七十二序

蒲州史宗道曰吾鄉有貞菴先生楊公者名瑩字大潔天順間進士歷官行人至參議自少奉身清苦堅正不以曲邪媚人人多銜之爲參議復忤秉政者故參議乃遂謝政年纔四十餘也乃杜門不出日日誦修先生之法不復念仕進亦不復與顯者交際雖身素所厚者至蒲亦不去謁或問之乃曰吾林下人久不入市朝此雖厚或遺吾矣又或顯者先施謁亦落落處之不與甚欵洽洪洞韓先生太原周先生皆素厚友洪洞已爲大司徒太原已爲大宗伯手書屢至輒不與荅洪洞太原相謂曰楊公書不可得乃如此初先生學於衛述

先生衛述先生學於薛瑄先生薛瑄先生直內方外終身無瑕疵得洛陽程子之傳衛述先生受之忠信無僞可透金石故先生學爲有本也先生爲官不妄取秋毫故其家甚貧囊然讀書賦詩曠然不以累志者謝政後三十年一日也今年七十二歲矣曾辱先生之教良多已爲軸卷煩諸友托諸詩歌歸壽先生然非有吾子之言於卷首不可予曰噫嘗聞之榆次寇子惇者亦云乃即是書之上貞菴先生以風蒲人士

康長公世行敘述序

敘曰康長公名德巍巍然冠諸關中人至今思之無小大賢不肖無弗知康長公也然學者論事又多失實不似故康長

公有子曰海乃自撰述於是鄆杜王君爲墓誌銘慶陽李君爲碑臯蘭段君爲傳而康長公家世行跡畧可誦說矣海曰是足以昭先德戒荒墜施及子孫爾矣於是刻所傳述及誌銘碑傳四篇曰康長公世行敘述

同年錄序

吾省人同舉丁卯者序齒錄成王太史序諸端悉矣諸君子復欲予書其後蓋重求所以居同年者予謂之曰人心之欲若諸君子所序之齒高下參差不一也人心之理其同然也若諸君子不約而獲舉於一年者也諸君子能序其齒以爲同年錄其亦能齊其心之不一以同其人邪諸君子曰我道

蓋是也曰易曰同人于野亨利涉大川利乎君子之貞言同道也諸君子亦取於斯而已矣

筠北三同序

周書曰周公克慎厥始君陳克和厥中畢公克成厥終三后協心同底於道四夷左衽罔弗賴之三后相繼訖於百年同心于道而后顯言同難也後漢管寧邴原華歆締友爲學世稱一龍亦孔之同後唯寧完原已微有瑕闕歆奸犯名教言同難也故君子之求同也不惟厥人惟心不惟厥心惟道道弗同心同比未可知也心弗同人同面未可知也同心苟道也我可忘義可通言可公業可共精微可語金可斷天地可

參鬼神可質日月可照九可者道之立也筠北有三同焉三
同者三人同心以有求也曰熊相尚弼曰况照廷光曰朱寔
昌士光予曰同心宜莫若周三后尚弼曰惡乎從乎曰同人
于野亨利涉大川利君子貞三人同曰然同年者以三人同
江西瑞之高安人同處筠陰室廬臧黨又相邇自齟齬同方
學皆能舉鄉試又同舉進士亦曰筠北三同云

送劉河間序

吾友榆次寇子惇嘗謂予曰吾鄉有劉禔大福者具四最焉
事親最孝慈結友最不苟處鄉里最直宅身最廉以律有此
四最不得舉進士止太學生嗟哉今之舉人者采文不采行

與實也今年春大福除河間訓導請言予謂大福可語也曰
昔吾遊太學也見朴野惻幅弗克變遷者多下省窮邑人也
見文章煥然言動明辯不可束以繩墨者多兩都直隸之士
也無斯二者不受習俗為上士二者不可得兼亦以取其朴
野惻幅者已耳夫河間密邇乎

帝都豪傑之士出乎風氣者固多然亦有然者矣大福能以
其所得化其所失將上士輩出矣昔寇子謂大福不遇者何
哉

壽徐生父序

常山徐津問之其父可菴君今年生五十年其五月四日則

誕辰也問之遊學上都弗克奉歡膝下乃因張子言于文寄
壽焉涇野子曰凡親之壽在親亦在子凡子之壽親不在文
在行子之壽親也檢身服道無作忝羞父母樂之一也建揚
丕績德澤在人父母樂之二也修文章樹風聲父母樂之三
也敏于耕耨服食不匱父母樂之四也敏于商賈服食不匱
父母樂之五也然而其分不同也是在徐生已矣

送董青州序

正德四年夏五月

朝廷以青州山東大郡缺太守難其人選于衆得刑曹正郎
董君錫壽甫者畀之其僚友歐陽君子重輩請贈之以言予

曰嗟乎

國朝最重太守之任與漢世畧等然漢多循吏亦其自宅者
之有道耳今天下博學誅求百出細民嗷嗷不聊其生青州
尤甚又盜賊充斥家室或播離逋逃治亦難矣故夫畜慈良
之心秉英特之操直屈撓之時發損益之政民猶可與也不
然知應上不知應下知近圖不知遠慮此風彼靡政斯怠矣
壽甫江西寧都之望族大司空文僖公之子穎敏不群博徧
載籍亦邃聲律中丙辰進士爲刑曹主事以優才分理淮安
漕運仁惠被于漕卒淮人亦賴焉又明察不礙數辯誣獄既
爲員外郎爲郎中政名愈著所謂緣時而發損益之政者非

邪今爲青州青州之民其安堵乎昔宋富鄭公爲青州救饑民數萬當時利焉壽甫茲往行見青人歌曰宋有富公今有董君而壽甫他日之在朝廷者與富公並又可知也

贈正齋蕭君序

昔予在太學聞蕭君正齋者名醫也正齋者蕭昂別號也士大夫論醫及索藥必曰蕭正齋今年夏吾友崔子鍾病予視之已言亂矣乃東請正齋正齋他出比來予又不在故正齋藥不用乃用他醫藥不效病且晉三日而後用正齋也病已危然卒愈惟時丁鍾以翰林編修改南京驗封主事匆匆欲

行乃托予代言贈正齋予遂告之曰不知人病而醫者爲庸醫知病而出異眩巧醫者爲亂醫講不同信行其我者爲無權醫病可即瘳故俟其沉而後救之者爲桀醫執一方以治諸病者爲細醫更症而后醫者爲無能醫觀病弗詳遽爾是之療之者爲輕醫庸醫者不智亂醫者死無權醫者不行桀醫者不仁細醫者小醫也無能醫者不能爲醫也輕醫者多數醫皆足以殺人故君子不道也周官有醫師統于太宰而食醫疾醫瘍醫皆屬焉法以十全爲上十失四爲下然則十全之醫其國醫乎殺人醫者予信正齋免矣國醫正齋不可不至也

贈鄒保定序

正德四年秋兵科都給事鄒子文盛爲保定太守僚友惜其才大量博守固志遠外補郡守欲贈以言意存勸勉用飭臣力乃請予道之予始仕史官嘗與鄒子聯班廷陛見其容度整雅動靜不忒內深器之卿輔材也吾友馬敬臣其僚也亦云然若是於爲郡也復何言雖然凡郡之事有錢穀有簿計有訟有教化凡郡之地有州有邑有里有田疇凡郡之吏有別駕有推有師州亦有太守有尹有丞有簿有胥史惟太守之明錢穀不明國用不經民用不康簿計不明胥史進姦訟不明則民倦善而敏惡教化不明風俗偷靡人倫昏淫州不

明則州亂邑不明則邑罷田疇不明疆弱滄其封植里不明鷄犬罔寧故別駕欲其誼也欲其協也推欲其廉且章也師欲其端也州長邑長欲其慈明也丞欲其敏也才也簿亦欲其敏也胥史欲其懼也故治誼治協莫如學治敏莫如匪懈治章莫如公治廉莫如不欲治端莫如端治慈明莫如去不慈明尤莫如先慈明治懼莫如斷

敘齒錄序

士舉于鄉大夫及禮部御者有試錄惟文章第上下不論年故士又私有序齒錄年異者甲子列同者月列月同者日列日同者時列艾強壯弱循循然不亂殊井邑異風俗情若同

胞父祖子姓世講其雅文章威富不與焉厚之道也故河南人舉丁卯者亦爲是錄由夫厚之道也又曰王佐榜錄賴朱子乃傳韓琦張詠榜後世指稱得人錄意固復求進于此也

蟠桃園詩序

莆田李子之母陳氏今年生七十年律祿不老李子願母且子歲也乃繪蟠桃園求詩歌以壽之既而謂鄒子曰圖完矣詩歌闕矣予意有未既也鄒子曰吾黨有呂子者善撰人意吾爲子詢之呂子曰圖之用蟠桃何也曰蟠桃果也三千年花三千年實壽不計歲月欲其母之年如斯果也圖之用山何也曰山也鎮定不崩與地終始又欲其如此山也用竹何

也曰竹也者木之堅多節者也亭亭不蔓風雨霜雪不能凌侮言母中道寡居秉節至老而不渝貞儉清苦如此竹也呂子曰華而物非所爲功也人子有三壽父母不與也上壽爲至中壽爲能下壽爲恒凡吾所性乾坤之靈自父母胎中不滋欲外不食習罔賊厥真無攸不利父母曰吾有斯子光贊我躬不辱天壤夫復何慮願神若志以臻遐福是爲上壽爲至父母寒餒朝夕不能爲悅以其所學易其爵祿修其政事小利百姓父母曰吾有斯子榮耀我門閭爲國之材我尚何憂不給優游卒歲是謂中壽爲能無德不賢無能不才周遊齊民營營衣食以貢父母父母曰爾祗爾厲或無不繼令我

顛殞是謂下壽爲恒夫中壽李子已無患矣其謂李子以上
壽

贈龍臨川序

龍子尹臨川廖子朱子唐子史子吳子曰義有以道龍子也
予曰五子者之道何也廖子曰民俗罔偷惟士作風士習之
良先與厥行齒學齒讓

國有常典朱子曰惟民食艱哉役

賦罔衡民乃作痛吾慈不究惡取于民之父母史子曰夫民
富勢相役睦道亡矣講貨棄親婚姻道亡矣畧齒輶德鄉道
亡矣死不知哀喪道亡矣追遠無經祠非其鬼祭道亡矣五

者當龍子之所始也唐子曰慎恤民力簡于暇日無或罷民
于僭費母或勤民于僭役僭費非父僭役非母吳子曰不明
于訟民乃弛善不中聽于訟民乃懋惡予曰仁夫五子者之
道也夫廖子政之基也朱子政之物也史子政之經也唐子
政之程也吳子政之機也基定則民立物散而不私則民不
匱經行則政修程舉則民康機明則民敏德定基莫如貞散
物莫大于不欲行經莫大于時舉程莫大于義尤莫大于慈
惠明機莫大于公

味松老人九十序

君子修存小人修亡君子修壽小人修夭君子不溺欲不昏

醴酪不殖貨財不黨喜怒好惡不淫于宴樂不易羸倫奉身
不越常故君子性定諸內神周諸體靡或有戕享年永延克
立上帝之命昔在李耳損視損聽損辭損欲玄牝弗鑿精氣
暨神罔有傷亦克永年其在庶人昏不自知其心于邪僻忘
命嬰禍七欲交感罔有底止四體痿痺百神中衰五十稱不
夭七十稱古稀罔克永年於戲童翁初賦剛方不嗜已私勸
善戒惡鄉閭咸霑惠澤幼耽典冊涉獵書史旁究岐黃百藥
精通自願拯人咸取于斯衣食饒裕濟貧給弱不忍自足德
蓄後昆賁于孫子童寬文章郁郁禮闈上第拔擢御史彈愆
斗違為翁之光翁之壽享應無比矣翁常博覽草木隨時榮
枯惟松堅實霜雪交摧柯葉不改志賞心玩九十年矣斯味
不變於是自號味松老人人固亦以是歸翁詩云如松栢之
茂無不爾或承言年增福進也翁之壽享應比松矣

贈隴州陰陽典術閻允濟序

昔者庖犧生著夏后氏作龜以貢吉凶休咎黎民逢之用悔
不用吝世躋平康後聖欽若罔敢渝侮周人畢揚其政擇建
大卜卜師龜人箒氏占人筮人董正龜著法以征象與謀果
至雨廖稽六龜三兆以更咸式日易比祠參環筮三易八頌
故民疑定也違聖人遠技術糾興爰有測玄闡虛八門九宮
洞林涓吉龍穴砂水火珠林三命五星範圍六壬三元太乙

取徵須臾乃亂乃舊乃惑乃民乃隳大業習其學者比于糊
口故龜筮不可毀也夫龜自衛平運式定日月分衡度以首
仰足開胷橫吉占諸物已矣焦契觀墨視高莅卜之法不可
行矣傳言孔成子遇屯秦伯遇蠱畢萬遇屯之比蔡墨遇乾
之同人晉公子重耳遇貞屯悔豫穆姜遇艮之夬并孔子論
大衍著猶爲存乎爾若有人焉宅心中貞達于神明毀諸占
術壹志索著著受命如響以決民疑彞倫攸敘

贈牛鉅野序

牛子爲鉅野張子璿曰吾牛子之材於是乎始著鉅野矣李
子文輝宋子滄曰吾鉅野之民于是乎生於牛子矣予曰牛

子吾故知其良直未習耳張子曰溫恭而易直慈祥而愷悌
牛子之質也奇而葩鏗鏘而琳瑯牛子之文也自樹不卑思
拔于群牛子之志也閎爽無隱牛子之明也呂子曰雖然夫
質也溫而不威則民犯文奇而不質則髦士易愚志崇而不
繼則易索然爾也明而察其誠或不能達四者爲政之弊也
昔子產將老政謂子太叔曰其以威繼我寬子太叔不從鄭
政用弛孔子曰政寬則民慢慢則糾之以猛猛則民殘殘則
救之以寬故君子觀於此可以知時措之宜矣故君子不知
善不足以行政也故君子之道博學以畜其德博問以通其
學精思以研其幾直躬以踐其仁知斯四者可以得爲政之

體矣仰察於天時俯察於土俗中察於人情視民不良如已之惡視民不足如已之匱知此五者可以得爲政之用矣體立則化妙用行則神顯

張詩望衡湘圖序

都下儒者張詩其父仕于武昌詩三年而不見也每登燕山之上佇瞻衡湘歌曰衡岵岵兮湘渺渺兮父母遼遼兮我心惻惻兮值誕辰又歌曰衡皇皇兮湘洋洋兮父母偕慶兮我心望望兮呂子聞而嘉之曰夷貊之人不知有父母矣草莽之人知有父母矣未嘗慕也都邑之人知慕父母矣未嘗敬也大夫及學士知敬父母矣未嘗德也君子之道博施利民百

谷不災羽毛毳毼以光昭于上下襄時國家弗滅其身敢不篤其本乎夫不鑿不飭之謂質得所入之謂路弗戾之謂正無止之謂剛有諸已之謂德匪質者仆失路者迷罔正者惡非剛者畫滅德者亡五物者君子之所嚴也邇戎之地有賤丈夫焉降而不良又自伐其美父母怒而撻之弗受曰吾豈若夫子之蠢也吾自能求口食已而圯族戕物百災駢集父母憂恚不久呂子聞之曰豈惟是哉朱均不能綿世越椒躬滅其鼻祖故君子之事親也敬夫五物焉爾五物敦父母之心爾悅矣悅則康康則頤頤則壽

送馬固安序

信陽馬子錄以進士出令固安將行友人問敘焉涇野子曰夫令也者所以令民也令者善也故以善令民民爲善爾矣以不善令民民亦爲不善爾矣詩云視民不怵君子是則是效可不慎乎古之爲政者以其所能責人之所不能不以其所不能責人之能故德行易而績成速也季康患盜問於孔子孔子曰苟子之不欲雖賞之不竊或曰勢不同也今也雖欲不欲不可得已從子之言是賊馬子耳曰是未有不欲者也夫苟不欲其誰將柰之何哉室將覆矣則將圻墁黜聖以爲一日之美乎抑將正其宗層屋穩而後已也故君子法以制財而民不困時以興事而民不勞惠以慈民而民不離遜以導民而民不亂中以折獄而民不爭時以簡民而民勇六者具舉非不欲者不能也夫馬子少耽詩賦自比杜甫河內何子嘗謂之曰此不若閑於官政之爲愈也故君子有五政而終之以樂焉一曰愛二曰義三曰序四曰勤五曰慎六曰樂故不愛之樂殘忍之聲也不義之樂淫靡之聲也不序之樂乖亂之聲也不勤之樂惰慢之聲也不慎之樂放遺之聲也

送張廣平序

正德庚午春岷山張子潛以膳部郎中出守廣平涇野子曰夫張子而知太守之重乎太守正倅令皆正矣太守僻州縣

斯故矣易曰鶴鳴在陰其子和之故君子慎其幾也古之獲
上者法舉而無間德布而不私廉而率履忠信而斷是以其
上孚而其下可治也古之稱善政者慮民今之稱善政者賊
民古之刑罰懲民之惡今之刑罰剝民之財古之征斂計安
其國今之征斂弗由其經古之折獄求民之情今之折獄任
已之情張子曰然盜今且棘矣曰由今之政茲其所以棘盜
也昔者漢宣帝患渤海之盜選龔遂而治之遂請曰將勝之
乎抑安之邪宣帝曰固安之耳遂遂之渤海入境出令而盜
屏三年而民殷五年而渤海大治夫盜豈民之所欲哉不得
已耳故饑寒切身雖慈父不能保其子愚而不教師雖賢不

能有其弟子也為民父母行政而惟盜之勝吾未聞能勝者
也故君子之為政老者欲其佚之也幼者欲其生之也壯者
欲其有服也鰥寡孤獨者欲其有養也審此四者則知所以
馭民矣苟利於民雖害不避苟害於民雖利不取審此二者
則知所以事上矣民安矣雖倨而不與校也民不安矣雖諂
而不與喜也審此二者則知所以馭官矣夫奚盜

送駱南海序

同年餘姚駱用卿出令南海呂子告之曰端影看形築堵看
槓夫昔之治南海者有七君子焉駱子固宜用之也駱子曰
何謂也曰吳隱之繫陶侃敏孔殘用人周敦頤洗冤龔茂良

修禮鍾離牧祛盜蘇緘威然絜非知天者莫能守也敏非知
幾者莫能持也用人非貞已者莫能得也涉寃非知性者莫
能急也修禮非知情者莫能制也祛盜非知欲者莫能處也
威非知德者莫能立也故君子博學以知天存誠以知幾力
行以知已篤初以知性審時以知情節用以知欲立教以知
德

送黃武進序

同年黃子卿出尹武進其友大行李子文輝曰昔者吾與子
之在青州也誦仲尼之書慨郡邑之官見胥吏餌奸黎民
恨征徭科賦倍誅厥耗依名索求單於錙銖婚寇夷喪祭

彘倫斃而風俗偷求悅于當道私假舟車馬不停廐隸不停
足假名營繕立意剋剝罔人欺鬼共疚于心茲行也其無背
乎黃子曰卿敢不努力以負父要呂子柘曰善哉時庸之行
尚質之贈其於武進也輕矣夫胥吏不好明而義也征斂有
藝送迎有程營繕不忒仁也振整風俗禮也刑允信也五者
性之德也故君子務之也

送呂章丘序

晉州呂子秉彝以進士出尹章丘御史張子璿曰性之者吾
友也外朴而中敏易而不隱慎而周博而雅才高而文健者
也涇野子曰性之如是也可以鎮浮照奸使鰥寡無恙行不

礙而體立作章丘之士裕如矣今之有司之治民也聽訟而
已矣訟之弗獲取賄而已矣賄之不得峻刑而已矣三者與
民斯斃矣性之寧有是哉雖百章丘可也張子曰世有溫良
慈祥事至不能舉訟至不能折今謂之不才者也世有見事
風生敏事上官者矣然弱民力單民財民畏其威不敢言諸
口今謂之多材者也茲二者何居焉曰皆非也但今之所謂
不才者效雖緩殃民實淺今之所謂多才者效雖速殃民實
深君子苟懷永圖則知所擇矣

秋官劉溫瑞挽詩序

涇野子曰挽詩者何挽紼以歌也挽紼以歌者何其人已亡

其德不爽挽而歌之猶爲存乎爾也於惺惺軒劉子何輓焉
少敏于學壯正厥行仕死于官敏于學春秋用明正厥行罔
忝乃先人死于官刑用不謬

坦菴先生序

同年方豪曰往年豪父母來自開化衝寒冒暑水宿星行皇
皇焉抵家于京邸年且耆艾任此辛楚谷亭聞決綽斷舟覆
岌岌乎不免興言及此魂飛薨薨官何爲者哉豪方獲奉歡
膝下以徇薄祿而父重念先隴乃及春初整駕南歸以豪故
又踟躕不能以決行也且豪父善事先公諸父咸睦又善處
鄉閭鴉金之叟朱嚴之牧罔有不說豪每念及此悔責不肖

無地夫豪有其身不能養其父有其官不能安其父思皇其德不能繼其父豪何以爲子哉涇野呂柎曰父母于子之心愛之欲其成也成之欲其至也至之欲其仁也子能思父母之遺體則必能詳聽而不賊其耳審視以不賊其目修辭以不賊其口慎動以不賊其形若是而曰不能養其父吾不信也子能患父母之不安則必能乾乾于日皇皇于夕博通乎古精通乎今心無懈于思身無惰于行若是而曰不能安其父吾不信也子能思父母之事親則必能移于事君載其職不辭其煩執其公不營其利當其危不渝其常爲時良顯光昭先世爾矣子能思父母之處鄉則必能移于處民有貨而不殖有德而不私不長民之奸雪民之弱下樂而上安矣豪曰然乃持以告坦菴先生坦菴先生曰夫若是吾去復何慮乃歌曰白鰕之地其魚尾尾薄言以訓之以羞祖妣金錢之山于焉考槃有花郁郁有水潺潺

定州志序

予山居時倪公在丞嘉善嘗撰嘉善志寄我予讀地里賦二篇喜焉以爲得紀事之體而嘉善之細港細蕩亦因是以有鳴也此過定州公在又撰定州志示我夫定州之志則又進乎嘉善矣疆域之思危建置之思廉祀典之思敬田賦之思憂官師之思畏人物之思長選舉之思質雜志之思文易曰

君子以言有物而行有恆夫言之無物皆其行之不恆者也夫定州之志豈獨可以觀倪子有物之言哉於戲可以傳矣

西守留芳序

正德五年夏柙養河涇野客有來者曰去年關中旱棘餓夫餓婦俾子女簪草同馬牛出鬻于市立終日無買者或仆而斃太守陳君爲食以食之率得不死又身走烈日中求雨及秋大熟鄜杜之間穀或一本二穗涇渭漆沮之間收皆畝數釜若庾民獲足食當是時也吏務措尅民苦誅求加以饑饉逋逃爲盜爲逆四方蜂起西安之民亦已幸矣及今冬十月天子聞太守賢陟山東憲副敕整天津兵備秦中士大夫自

大司徒雍公以下咸矢詩以贊之且勸太守進于不已也柙繼之曰夫今天津之政其大者三一曰閱武二曰明刑三曰弭盜耳夫閱武莫大乎已貪明刑莫大乎服民心弭盜莫大乎遂民欲充西安之政何有于三物者哉天津內翊京師外威邊陲國門之喉舌天下之要衝太守不可不重視之也是時秦父老子弟攀留聞于言益戀戀不已太守日中乃得次灞上夜宿于臨潼

壽鳳山先生程公序

鳳山先生諱端字表正姓程氏別號鳳山蜀之嘉定人也今年辛未閱春秋七十矣其配孫氏載德肅雍亦嘉定著姓也

今年辛未閏春秋七十矣其子以道作三原詣予曰啓充之
父今年正月二十一日誕期也啓充之母今年十二月十九
日誕期也啓充羈縻一官無能稱壽惟吾子圖之某者曰以
道而知人子壽親之大乎夫人子之壽親也顯親爲上其次
悅親其次養親其次榮親其次逸親逸親者力可能也榮親
者貴可能也養親者富可能也悅親者賢可能也顯親者聖可能也五聞
鳳山先生有六德焉以親之謂孝撫孤奴之謂友散財焚券之謂
義不御執紼車馬之謂儉面折人過之謂忠善誨以道兄弟
之謂慈以道而能體之上以奉君下以裕民旁以宅僚友近
以持身遠以範俗其道具舉不進于顯者未之有也故力者

足以壽親之體富者足以壽親之業貴者足以壽親之官賢
者足以壽親之心聖者足以壽親之道壽親之道則與日月
爭光天地同久矣是固以道之所宜務也

韓生祖父母八十壽序

涇野子臥病渭河韓生邦憲自漆沮問壽祖焉曰昔張詩言
壽親之道於我也我則語之以三道使自選焉壽其德者上
道也壽其齒者中道也壽其業者下道也壽其德者之謂聖
壽其齒者之謂賢壽其業者之謂才聖也者盡性者也賢也
者盡情者也才也者盡力者也然則子之壽其祖將盡其力
而已乎必將盡性與情而后已也如將盡性與情而后已也

而祖有不悅且壽者乎韓生曰竭憲之力以作才憲可能也若夫聖與賢間世而生者也憲敢異之耶曰聖與賢非人也爾之言然也聖與賢如人也汝獨不可作乎故能不自奉可以作賢能不自是可以作聖

遊潞西集序

壬申春涇野子力疾出遊至對山康子潞西莊潞西山水花鳥旣中予賞玩而武功師友者舊又戀予不釋居五日焉凡與康子齊和及予所自作得賦三首五言古詩五首五言絕句六首五言律詩四首七言絕句五首七言律詩五首七言古詩一首曰遊潞西集而康子之詩計亦若是也別爲一編

其自命曰潞西集云

岷臺錄序

岷臺錄凡三類一錄勅諭岷臺二錄岷臺履歷三錄詩若賦多出于岷臺諸公之作蓋吾省憲副沁水常子承恩之所集也錄

勅諭者著重岷之意也錄岷臺履歷者著治岷之政也錄詩賦者著岷之山川風俗及今昔賢哲之迹也故知重岷之意則凡居其地者儆知治岷之政則凡爲之後者法知岷之山川風俗及今昔賢哲之迹則雖鄙也而以顯且要于天下斯固常子之志也錄不詳常子之政者自錄焉耳常子而錄此

則其戎務暇而善政亦可知矣

張氏族譜序

涇野子家居三原人張氏之子呂求序其所編族譜也閱譜張氏世爲三原東陽人自大至呂奚啻十餘世自義甫別派奚啻千百人服盡而能聯親遠而能睦張氏之子其賢乎哉嘗讀下子野人不知禰大夫及學士始知祖謂張氏之子野人乎哉即有讀書之士焉問五世以上知之者有矣問十世以上知之者蓋鮮焉觀斯譜者固不可以張氏之子百姓焉廢也

王氏三圖序

敘曰言不盡圖圖不盡意然微言圖不可得而見矣微圖意不可得而見矣茲王氏三圖之集所由作也王氏者克人王御史朝鳴佩也三圖者朝鳴在南臺不得侍其父歲寒叟日上鷄鳴石頭以瞻杲山之雲於是作望雲圖楊子雲曰不可得而父者事親之謂也孝子愛日朝鳴以歲寒叟年且八十桑榆之景飄飄爾若之何遠遊也於是作愛日圖比歲寒叟得封爲御史配爲孺人朝鳴且清戎陝西例當過家於是作榮壽圖然圖皆詩詩皆有序又皆出於一時鄉大夫之善撰人意者朝鳴爲親之心其庶幾乎聞之歲寒叟曰不然御史天子之耳目得行其志今海內風塵未盡息百姓未盡安御

史固不可得屬屬於我也昔者訓爾于庭業爾于學業爾于
京師其意則謂何於是改望雲曰望闕改愛日日憂國改策
壽曰觀光且曰佩若是我老無憾也夫朝鳴吾同年之傑也
好善如欲疾惡如讎公而且介其致身于國不俟云爾歲寒
叟猶然朝鳴豈真盡人子哉濁涇之野猶及觀王氏之六圖
矣

刊忠孝歌序

唐進士王剛勸孝歌質而明簡而盡情切而不詭賢者讀之
勉不賢者讀之悔有夫婦者讀之別有兄弟者讀之友有君
臣者讀之義雖微忠歌亦可教矣古人言則觀其所行好則
觀其所志若我敬之者孝聞三輔格鳥獸刻此尤足爲此歌
之證也

士林哀挽序

士林哀挽諸俊哲爲陳母韓氏所作都憲屈公道伸之所題
也陳母華陰簿籥之母母在簿能養母沒簿能思又能名諸
俊哲慕之有是作焉簿有子曰詔從予遊氣質清而凝志力
遐而正交遊謹而端熟睇之可進斯道也然則陳母之德之
貽疑簿又不足以盡名之其在斯與其在斯與君子持此以
觀哀挽諸作又足以徵吾說之不虛矣

送楊夏縣序

臨潼楊子極尹茲夏縣將行渭川周子曰民之窮矣子極慈
之民之暴矣子極鋤之民之怨矣子極究之民之盜矣子極
省之民之愚矣子極誨之靜齋劉子曰廉也者爲政之體也
明也者爲政之用也惠也者爲政之效也故君子有不廉廉
斯明矣廉而不明非廉也君子有不明明斯惠矣明而不惠
非明也涇野呂子曰抑又有之書者君子用以修身也見諸
政律者君子用以一民也歸諸禮今之君子之用書也志取
科第已矣仕而弗用也今之君子之用律也計壯威力已矣
原情而弗用也或曰以書仕者腐以律原情者罷曰若是則
著書之聖定律之王皆過矣子極之材柙舊敬之雖有或曰
不能亂也

送周醫序

權生之父疾甚矣療於周醫而見瘳權生問言以謝周醫焉
涇野子曰夫醫之治病猶吾黨之治五品也周曰何謂也曰
腎生肝水渴則木斃故養腎而肝茂厥視明肝生心木燾則
焰微故養肝而心寧厥言又故見其目秀知其水之盛也聽
其言又知其木之茂也此之謂父子之道君也者主病者也
臣也者佐君者也君一臣二奇之制也君二臣四偶之制也
君二臣三奇之制也君三臣六偶之制也近者不可以偶遠
者不可以奇汗者不可以奇下者不可以偶設其奇偶定其

崇卑此之謂君臣之道厥陰至脉弦少陰至脉約大陰至脉沉少陰至脉大而浮陽明至脉短而濇太陽至脉大而長至而和則平至而甚則病至而不至則病未至而至則病陰陽易則危審其易而調之則安此之謂夫婦之道兩疾偕發先救其授兩脉偕病先疏其承此之謂長幼之道方其冬也陽主於內寒雖入之勢未能動及春之日陽出而陰為主然後寒動而搏陽是故濕也方其夏也陰主於內暑雖入之勢未能動及秋之日陰出而陽為主然後暑動而搏陰是故瘡也察於時而治之此之謂賓主之道故仁義別序醫咸具焉權生日用也聞孝於醫知不倍其親矣聞忠於醫知不孤其君矣聞別於醫知所以正家矣聞敬於醫知所以居鄉矣聞禮於醫知所以處世矣用其以是論諸周醫

贈青村王醫序

涇野子臥病渭河之上青村王子來曰夫涇野子亦知吾道之妙乎曰竊聞之矣夫醫也目道爲上其次口道其次手道天有五行地有五才人有五臟表有六鑿五色時有六氣食有五味味毒于內氣薄于外病作于中色貢于面非才不克故耳不能聽病曰肺痿目不能視病曰肝枯口不能言病曰心淪鼻不能臭病曰脾憊口焦而齒衄病曰腎亡故腎生肝肝生心心生脾脾生肺故腎竭則肝翳肝翳則心灰心灰則

脾焦脾焦則肺縮故觀其色黛易其肺也不爾則目盲觀其
色木易其腎也不爾則言亂觀其色丹易其肝也不爾則鼻
軌觀其色土易其心也不爾則耳聾觀其色白易其脾也不
爾則口乾故腎欲鹹而升心欲苦而降肺欲辛而收肝欲酸
而散脾欲甘而和昔越人一視人貌洞見五臟投之以劑不
待旦而愈彼豈真裂人之膚以易之哉蓋有得于目道焉故
曰得目道者之謂聖得口道者之謂賢得手道者之謂能青
村王子曰然若相者得之何道也曰子之於手道也十八九
矣於口道也十六七矣於目道也十四五矣曰自吾讀王叔
和而知手然而十有二焉而不中自吾讀李杲而知口然而

十有三焉而不中自吾讀華陀而知目然而十有四焉而不
中何也曰神農李杲之祖也岐伯靈樞王叔和之宗也秦和
華陀之先也故欲知子孫者觀其祖欲知支派者觀其宗青
村子曰若子者豈予能醫哉

送洪雲南序上

正德七年夏五月巡撫雲南關苗寇時猶未戢昆明罷敵棘
惟得人帝乃咨于冢宰及九卿僉曰洪遠作陝西左布政使
身戴四賢選於衆惟茲所宜往帝若曰俞如何冢宰卿若曰
遠歛人初以進士歷尹莆田交河濬縣弱暴振窮敦儒善俗
爲時循令一賢旣守監察御史數獻時務揚聲譽譽三賢旣

乃按察浙江湖廣廣西平反疑獄興利祛弊廉官拯民荆及吳越允賴三賢既乃布政四川及今陝西嚴介公忠至妻子或弗携嘉績在秦蜀四賢帝若曰俞咨爾遠汝作右副都御史撫茲雲南其勅遠爾往哉今雲南方不靖黎民思擾其究在徵科肆命爾奠之爾惟慎旃乃有尹弗慈弗庶爾道以爾莆田交河濬縣乃有御史弗直爾導以爾御史乃有按察布政弗公弗明弗政也爾導以爾浙江湖廣四川陝西凡民不足惟官之欲凡民多辭惟官之訛爾作雲南罔容爾官以輯爾民簡爾戎兵凡厥將領宣慰宣撫罔俾貪漁以綏滇鄙爾克有忱烝爾上卿在朕左右爾惟欽哉勅至洪公將駕其僚

大方伯田公商賢以下咸矢詩以贈乃言於翰林修撰呂柟請敘其事曰竊惟今茲臣僚其相

天子以得行其道於天下者三其上盡進君德以燮邦化曰太學士其次登降淑慝以昌邦士曰冢宰卿其次激揚清濁以儆邦士曰都御史惟公茲往誕實匪輕載

帝之命寧徂昏渝昔公始祖經綸仕唐德宗為河北黜陟使議罷方鎮兵謫宣歙觀察使唐世稱直顯祖中孚仕宋徽宗為顯謨閣直學士諫已代遼厚忤中侍乃以龍圖閣待制致仕起為禮部尚書卒贈少師宋世稱恭顯考覺非先生爰由鄉貢簡知桂陽克順克惠知進知退為今名守公繹厥緒升

茲不階受知

聖主其滋宣布厥初心弘敷乃化以昭我

皇明罔俾先正專美唐宋諸僚有懷誕其如茲誕其如茲邦
士咸傲民有攸止益州康定

帝將復公爰入冢宰秘閣以求終圖公曰太史命我矣拊曰
於戲昔在唐虞上下交傲史氏攸司誼以古則

送洪雲南敘下

洪公克毅旣理雲南之駕方伯田公商賢及憲臺都閩諸公
爲宴於薇垣以餞之樂再成田公及其藩僚執爵而進曰惟
公寬慈惠此秦土凡我僚儕儀刑未遑茲往雲南式彼藩司

公其滋懋敬厥德樂三成憲臺李公及其憲僚執爵而進曰
惟公明果舊聞吳越諸所決罰人咸畏信茲往雲南式彼憲
司公其滋懋敬厥法樂五成都閩張侯及其戎佐執爵而進
曰惟公威信光布三輔凡我行伍亦罔不懾茲往雲南簡彼
將領公其滋懋詰爾戎兵呂柟聞而嘆曰今

天子其無西南之憂乎夫以寬慈式藩司卽張統陳遜可復
在滇省矣以明果式憲司卽賴選周樂可復在滇臺矣以威
信簡將帥卽沐璘寧正可復在滇閩矣夫寬而慈之謂仁明
而果之謂義威而信之謂武仁且義旣武矣然而雲南弗靖
者未之有也或曰滇之人有棘有麋有麀有禿老有蒲有

和泥有百夷有羅舞有撒摩都有摩察有濃有哀罕有戩昌
魁羅甚不同難化也曰性無不同也行之以仁焉何有曰滇
之俗噐訟好鬪或死不葬祭專敬釋氏或椎髻編髮跣足首
戴次工雉尾或用緬字或屈膝露頂把手以爲禮或男女溷
淆婦襲夫職或金齒綉面甚不齊難變也曰情無不齊也行
之以義焉何有曰滇之吏有都布按府州縣官矣又有宣撫
宣慰諸甸官甚不一難統也曰體無不一也繩以仁義之武
何有

涇野先生文集卷之一

